



## ISCOLA TZÌVICA DE MÙSICA

ANNU 2021 - 2022

Sunt abertas sas iscrizioni a s'Iscola Tzìvica de Mùsica Guilcier Barigadu pro s'annu iscolàsticu 2021/2022 pro imparare custas disciplinas:

Violinu	Bateria/Percussiones
Chiterra Clàssica	Pianoforte
Chiterra Elètrica	Tastiera moderna
Bassu Elètricu	Sonete a matripellas
Cantu Clàssicu	Sonu
Cantu Modernu	Mùsica <i>d'Insieme</i>
Mùsica Corale	Clarinetu
Coro boghes biancas	Mùsica Eletrònica
Propedèutica musicale (fintzas a sos oto annos)	

### Sos cursos

Sos cursos ant a èssere partzidos in 25 letziones individuales a s'annu; ogni letzione at a durare 30 minutos francu cussas de sos cursos de mùsica *d'insieme* e propedèutica musicale chi ant a durare 60 minutos ognuna.

S'organizazione didàtica at a èssere cuncordada a manera chi siant assegurados livellos semper mègius de preparazione.

S'incomintzu de sos cursos at a dipèndere dae sa disponibilidade de sos maistros, locales e risursas finantziàrias e dae sas demandas arribadas.

S'Iscola Tzìvica de Mùsica tenet sa facultade de no ativare unu o prus cursos de cussos indicados in custu avisu si ant a mancare sas cunditiones giai indicadas in antis in custu avisu etotu.

### **Comente s'iscriere**

S'iscritzione a s'Iscola Tzìvica de Mùsica est aberta a sos chi apant cumpridu sos 7 annos a intro de su 30 de abri de s'annu iscolàsticu de riferimentu (30/04/2022).

Sos pitzinnos de edade inferiore a su limite indicadu s'ant a pòdere iscriere ebbia a sa disciplina de propedèutica mùsicale.

In su matessi annu iscolàsticu est cunsentidu de frequentare prus de unu cursu individuale.

Su Comune partètzipat in parte a sas ispesas pro unu cursu ebbia pro ogni alunnu. Unu segundu cursu at a èssere pagadu de su totu dae su partetzipante.

### **Oràrios**

Sas letziones diant pòdere incomintzare in su mese de santandria 2021 e ant a durare fintzas a su mese de làmpadas 2022.

Sos oràrios de sas letziones ant a èssere detzìdidos dae su maistru paris cun su dischente.

Cando su dischente est assente non tenet su diritu de recuperare sa letzione.

### **Cuotas**

Pro custu annu iscolàsticu sos critèrios e sas tarifas de aplicare sunt sas matessi de s'annu iscolàsticu 2020/2021.

Sa cuota de frequèntzia pro s'annu iscolàsticu 2021/2022 est partzida gasi:

**A** pro sos residentes in unu de sos Comunes chi aderint a sa gestione assotziada (Ilartzi, Abbasanta, Aidumajore, Ardaule, Bidoni, Boroneddu, Busache, Fordongianus, Neoneli, Norghiddo, Nughedu Santa Itòria, Soddie, Sorradile, Tadasune e Ula):

- cursos individuales € 120,00
- cursos colletivos € 60,00

**B** pro sos residentes in àteros Comunes:

- cursos individuales € 150,00
- cursos colletivos € 100,00

In casu de retiru antizipadu dae s'iscola, sa cuota de frequèntzias no at a èssere rimborsada.

Francu sa prima letzione de prova, in antis de fàghere sa de duas letziones, est de òbligiu a cunsignare a su comune de residèntzia (a su comune de Ilartzi si non residente in unu de sos comunes chi aderint a sa

gestione assotziada) còpia de su bonificu bancàriu, chi atestat su pagamentu fatu. In casu contràriu, at a èssere consideradu comente rinùntzia sentza àteras comunicatziones dae parte de s'Iscola.

### **Iscadèntzia pro presentare sa domanda**

Sa domanda, paris cun sa còpia de su documentu de identidade, depet èssere mandada a su comune de residèntzia (a su comune de llartzi si non residente in unu de sos comunes chi aderint a sa gestione assotziada), a intro de su 13 de cabudanni 2021.

Àteras informatziones si podent pedire a s'ufitziu cumpetente de su Comune pròpiu de residèntzia, si est unu de sos Comunes assotziados.

(MM)